

大乘寶要義論卷第五

第六同卷

星八

卷五藏朝散大夫該鵠步卿傳梵大師法護等奉詔譯

如地藏經云復次有利帝利旃陀羅乃至長者旃陀羅人於其所爲四方僧衆造立寺舍園林臺觀資畜田土給侍人等飲食衣服卧

星八
具醫藥或華果樹或染色樹香樹蔭樹乃至

種種受用之具若自侵奪若教他侵奪若自

受用若令他受用於我法中出家人所或生瞋恚或復呵罵制止輕侮於正法中作其障難於說法師而興燒亂此等皆於三世一切

佛世尊所生極過失乃至一切智者之所遠離復次彼中世尊作如是言諸得忍菩薩摩訶薩應受利帝利王灌頂及富樂受用我即許可金剛藏菩薩白佛言世尊利帝利王所受灌頂若非得忍菩薩彼當墮於何等惡趣

佛言金剛藏若非得忍菩薩但能修集十善業道受利帝利王灌頂及富樂受用我亦許可金剛藏菩薩白佛言世尊若非得忍菩薩又不具修十善業道彼旃陀羅利帝利羅惹於此世尊甚深教中而令減失當墮阿鼻大

地獄中斯等云何而得解脫佛言善男子受利帝利王灌頂者若被信力堅固鎧甲於三寶中廣生淨信又不於我三乘出離法中而生毀謗下至一四句偈亦不輕毀於持戒破戒人中悉不燒亂下至不受淨戒但剃除鬚髮

被裝裟者諸苾芻衆而不燒亂若衆僧所屬若單已所屬一切受用等物悉不侵奪制止常所聽受三乘出離正法如其所聞隨力修行於彼修行三乘諸苾芻所而常親近願力堅固不起違背之心教授有情大乘之法

使令趣入復今安住若有能具如是相者刹帝利王應受廣大富樂受用而不退墮先佛如來皆悉許可我今亦然許可是事復次彼中作如是言若有真善刹帝利王乃至真善長者若今現在或未來世乃至後五百歲法

三
二

欲滅時若自若他皆作衛護於佛清淨教中堅固守護又於安住聲聞乘者緣覺乘者及大乘者諸補特伽羅具修淨戒德廣大者若是法器若非法器乃至但剃除鬚髮被裝裟者悉為守護復為護持塔寺所屬之物悉不

侵奪或自受用或與他受用他所侵者即爲制止如是福蘊無量無數不可限極爾時會中一切天主乃至畢舍左主咸作是言世尊若真善利帝利王乃至真善長者具足如是功德者我等皆爲作護今具十種增長之事何等爲十一者增長壽命二者增長無難三者增長無病四者增長眷屬五者增長財物六者增長資具七者增長自在八者增長名稱九者增長善友十者增長智慧我等與眷屬常當護彼真善利帝利王盡其國境有

十種法使今遠離而爲守護何等爲十一者他國兵敵二者自國兵敵三者罪業之人四者殺害之人五者非時雨六者惡風暴熱七者極惡宿曜八者饑饉九者橫病夭死十者邪見月燈三昧經云佛言若諸天龍夜叉等於我教中作護持者彼等是大施主令我法眼而得久住使三寶種不斷不絕從我口生之子從法化生諸苾芻苾芻尼優婆塞優婆夷及餘淨信善男子善女人爲勝義諦法乃至爲求阿耨多羅三藐三菩提者悉爲護持

我今親自付囑於汝天龍夜叉等諸大施主及慈氏等賢劫之中諸菩薩摩訶薩如我教勑當爲作護若欲安住修行正法者即得心善云何得心善如寶雲經云菩薩得心善是中云何名爲心善謂彼若能於身心離即得心善應生如是心審諦觀察當以何法是我心之所行又復以何說名爲善若行於善即喜心清淨由心喜故是即行善能生多種厭離能起多種伺察諸不善法而悉斷滅阿闍世王經云諸善薩不應如是生心若心有所

生即諸惡魔伺得其便諸佛如來亦不愛樂賢聖不生喜心自善根分而亦減失若復生心而無所生即諸惡魔伺不得便諸佛如來亦悉愛樂賢聖心喜自善根分亦不減失彼若如是修行即於一切處生心生心轉法輪所說之法而無雜亂如開發內心經云佛言慈氏若諸苾芻所說雜亂雖復多聞返生驕倨迷醉忘失内心散亂而不專注彼詭曲心相續而生遠離奢摩他毗鉢舍那不爲他人之所尊重天龍夜叉亦不隨順所修正行而

不成就若於所行悉無所得是爲正行若欲了知其正行者謂即勤行修習多聞宴坐復次彼中作如是說若有菩薩勤修勝行而爲總領造七寶妙塔徧滿三千大千世界我亦於彼而不許可若復有人聽受正法一四句偈與般若波羅蜜多相應者我即於彼尊重稱讚何以故多聞能生諸佛菩提復從世間無取著生若有菩薩勤修勝行爲總領者應當爲他說法講授菩薩與其教導令於繫著法中不生繫著所獲福蘊廣大無量業障銷

星八

四

散慈氏假使滿闍浮提勤修勝行總領菩薩彼等若能於一勤行說法講授菩薩之所承事供養又若滿闍浮提勤修說法講授菩薩而悉於一勤行宴坐菩薩之所承事供養此如是等佛悉許可而亦隨喜何以故智慧事業於難行事業中而爲最上一切三界高顯最勝復次宣說正法行者如寶積經云佛言迦葉譬如商主欲入大海求無價寶先善觀察堅固船筏乃至到寶所已還復自舍迦葉菩薩摩訶薩亦復如是欲入一切智海先當

觀察勤行六波羅蜜多乃至超過一切愚夫
異生聲聞緣覺之地然後住佛果位阿闍世
王經云佛言大王一切智心根本不斷如是
根本當起精進策勤教示布施無厭足以彼
迴向一切智智故持戒無厭足迴向一切有
情故忍辱無厭足求佛色相故精進無厭足
星八
於諸善根勤修集故禪定無厭足所緣相應
故智慧無厭足於一切處善思擇故爲法利
故富樂壽命於一切處皆無過失又復修正
行者當爲一切有情起平等心如月燈二昧

經云佛言童子菩薩摩訶薩當具足一切若
成是功德者即得速證阿耨多羅三藐三菩提
何等一法童子所謂菩薩摩訶薩於一切
有情起平等心利益心無障礙心無毒心是
爲一法若欲修正法行者應當棄捨利養等
事如開發内心經云應當伺察諸利養事以
其所著失正念故癡若起時自利成辦故詣
若起時不能隨順諸佛教勑故驕倨我慢起
時一向但爲險惡根本故此等壞失諸善根
故智者應當伺察利養雖於現受而有所得

然其後世界利都無無量禪定皆悉遠離當墮地獄餓鬼畜生趣中智者又應伺察利養猶如水行流注不斷既伺察已如是生心少欲知足如雜阿舍經云譬如一類瘡羊之群於彼尾拘律陀樹周帀而行是中有一瘡羊獨詣群鹿巖中守鹿人所乃至於彼群鹿之前搖動其頭跪伏而坐求彼所食及求作護如是還已餘瘡羊衆悉生輕慢此有一類稱讚利養我慢苾芻亦復如是起無厭心離於衆中爲所食故獨入城邑巡行乞食復求邀

命得彼最上清淨飲食自分食已以所求食持還園中苾芻衆所謂苾芻言諸尊者我於今日白衣舍中受其邀命得彼最上清淨食已今我有其所乞之食是長食法是已捨法汝諸尊者若欲食者應當隨意如是言已中呈八

有少年苾芻皆生輕慢智者當知若發如是麤惡言者皆爲利養等事如經廣說此中云何遠離誑詐二法如無熱惱經云有二種法於一切智心而爲障礙所謂一誑二誑有其二法是無障礙一正直二無誑若欲成辦諸

正行者常當親近諸善知識因善知識故成諸正行何等經中而作此說如勝生勝鬘解脫經云諸菩薩摩訶薩因善知識故流出一切菩薩行法善知識者有大威力而能圓成諸菩薩故善知識者而能出生一切菩薩諸善根故善知識者普能結集一切菩薩修學所行善知識者而爲根本能令一切菩薩深心清淨故善知識者能爲守護增長一切福蘊故善知識者是所愛樂獲得一切佛菩提故善知識者而能攝持令諸菩薩不墮惡趣

使令不退轉於大乘而趣菩薩學處出過患夫異生之地亦不棄捨聲聞緣覺之法復爲作護善知識者能令一切失道之者還歸正道聞正法者引令解入一切佛法善知識如母能令一切悉生佛家善知識如父廣爲有情資育利益故善知識如乳母善護一切令離罪業故善知識如僕使捍勞能入生死大煩惱海爲拔濟故善知識如舉棹人運載有情至一切智智大寶洲故諸修正行者若欲往詣善知識所應如是作意使其身心清淨

勤勇其心如地悉能荷擔諸重擔故心如僕使隨所欲教今悉爲作故其心如犬常所警吠爲守禦故當觀自身如病人想善知識如醫師想所教示法猶如藥想依教所行如病除想凡如是等因善知識故得深心清淨已隨諸善知識所教今法而善修行即能增長一切善根如雪山王一切藥草樹林皆悉依止依止善知識亦復如是能成一切佛法大器又如大海衆流所歸菩薩因善知識從彼出生故即得圓成一切菩薩行法及一切佛

法如寶積經云佛言迦葉如人乘船入其大海而於中流船忽破壞是中或有依一版木或餘椽木隨得所依安隱到岸迦葉菩薩乘於一切智心之船亦復如是忽於中流壞失菩薩乘法若遇善知識而爲依止彼即還得一切智心乘諸波羅蜜多法運載而行到法界洲迦葉所有阿耨多羅三藐三菩提法而悉依止善知識故是故於諸善知識所供養承事而爲最上若佛在世若涅槃後應當勤行斯得無量福行圓滿畢竟果報而悉成辦

如華積經云若見師子遊戲如來見已發清淨心而爲供養又若彼佛入涅槃後取其舍利如芥子許而爲供養如是所獲果報皆悉齊等是中亦無種種差別如大悲經云佛言阿難若人於我現前供養且置是事又若有
星八
人於我涅槃後收取舍利如芥子許作諸供養亦置是事又若有人於我法中造立寶塔復置是事若或有人但以一華散擲空中觀想諸佛而爲供養我說是人以此善根畢竟趣證大涅槃果阿難以要言之下至傍生趣

中諸有情類若能想念諸佛我說彼等以是善根畢竟亦成大涅槃果阿難汝觀於佛世尊所何等行施而爲最大何等發心是大威力阿難若有人但能一稱那謨佛陀耶此爲勝義何以故謂佛世尊具大不空名稱故此不空義者所謂即是那謨佛陀耶以於諸如來所隨有何等極少善根而不壞失下至一發淨心此等一切乃至畢竟趣證涅槃阿難譬如漁師於大池中欲取其魚即以鉤餌置於水中魚即競來游泳而食是時漁師知魚

所在重復牢固鉤竿輪線徐緩深鉤既得魚
已置于陸地隨其所欲取以用之世間一類
有情亦復如是先於佛世尊所發清淨心種
星八
植善根下至一發淨信已而彼有情後復惡
作業障所覆生於難處其後還得值佛世尊
九
以菩提智及四攝鉤線拔彼有情出生死流
置涅槃岸海龍王問經云佛言龍王諸菩薩
摩訶薩若能具足八法即得常不離諸佛何
等爲八一者教示觀佛影像二者承事如來
三者常讚如來四者造佛形像五者教示觀

佛色相六者隨何佛刹聞佛名稱即於彼佛
刹中發生勝願七者不生下劣之心八者起
廣大心求佛之智如菩薩藏經云若能嚴淨
如來塔廟者當得四種清淨最上誓願何等
爲四一者獲得最上色相清淨誓願二者最
上諸相具足清淨誓願三者最上堅固修集
清淨誓願四者最上觀見如來清淨誓願彼
經復言若人於如來塔廟散華塗香作供養
者是人獲得八種不壞之法何等爲八一者
不壞色相二者不壞富樂三者不壞眷屬四

者不壞淨戒五者不壞多聞六者不壞寂定七者不壞智慧八者不壞誓願若人欲造如來形像者應隨意作或以土木鐵石或復象牙或金銀瑠璃水精赤珠珊瑚碼碯及諸珂貝衆妙香等或造圖幢或於版木牆壁作譎畫像或以紙素及諸繒帛綾剪而成或自新而作或增修故壞如來形像如是作已當來不於下族中生不於惡業族中生不於邪見族中生所感身支當無殘缺設有具造五無間罪者於如來所能發淨信造立如來形像

是人所有當來地獄業報轉重令輕於三乘法或餘乘中而得出離如人不淨穢汙其身而能潔淨沐浴妙香塗飾而彼穢惡之香飄散無餘造五無間罪業者亦復如是造佛像故彼等罪業銷滅無餘又復具行一不善業者若於如來所發淨信心彼之罪業亦悉銷滅星八如酥投火中而悉成燄業散無餘其義如是何況具足最勝菩提心者及彼出家具淨戒者